

卷壹

審視瑶函

審視瑤函序

成周建官三百六十而燮理奏功分寄醫師
尹副以逮上士下士職掌翌爲明聽之司若
是乎耳目股肱之未敢輕畀也故其時分猷
者或肘掎鐵鏡以建勛考成者或胸貯金匱
而宣化至玉鉉鼎鼐之權惟醫師與良相並
峙猗歟休哉補天煉石浴日調元洵各有天
授焉匪其人不得而遇也仁宇傳君以慈祥

臆擅龍木譽名聞諸侯惠濟蒼赤擴億丈大
光明藏現大醫王身而爲說法一七神樓已
足格紫霄而驂烏龍已然且秉赭鞭救匍匐
啟霾霧而耀明旦刀圭之積功靡以加已式
於家則見齋心敦善茹蔬戒修嶷嶷龐居士
也式於閭則見瞿曇植果香芬栴檀油油許
立度也式於都則見儉惠良稷寒施纖纊藹
藹傳大士也而矧婆心厪熱佛手療人令昏

瞶顛危者仰撫摩而躋春臺也余曷能更僕
哉歲己巳余病目謫歸借憇秣陵遍訪長桑
而不得其人也閱彌月獲覲傅君授余上池
而霍然蘇豁然瞭也因喟然嘉歎久之豈葛
仙搗藥鳥猶作丁丁杵春聲將醉臥紫金牀
頭扛伯陽參同漱煉一洗羊豕狗鼠廓輪搜
渤爲芻鬼夜魔踢開許大寶月輪金光藏醅
酬甘露酒須彌峯頂自在王座者抑傅君之

謂歟而君尙逡逡謝勿敏也老氏云子惟不
矜故能與天下同功顏氏子云無伐善無施
勞君其功圓果滿拔宅冲舉當不在馬自然
徐秋夫下而且弓治繩武作述一家嗣君維
藩館甥文凱隸職院僚析髓洞筋咸頤霑接
武彬彬王謝門風雅稱烏衣子弟哉二君仰
體家鉢彙笥中審視瑤函日批月錄將命剖
劖氏而壽諸梨棗焉乞予一言以公爲鴻寶

余見二君青出於藍式穀其似行且列鵷鷺
班奉仁宇之家珍以佐保御而育羣黎異日
謨明弼亮分寄耳目股肱燮捁陰陽不惟爲
朝家慶得人而俾翌爲明聽者咸資啟沃而垂
霖樹焉余當誦周官而上考成也傳君以爲
然用弁之簡端

崑

崇禎甲申嘉平穀旦

審
賜進士第通議大夫資治尹吏部左侍郎兼翰林院侍讀學士

纂修會典同知

經筵日講官

通家侍生陳盟頓首拜撰

弁言

素難而後有顓科猶六經而後有子史也其
旨玄令人罔眾而蒐珠其理微令人碧落而
占氣其奧沉令人望洋而觀瀾以故鼎之貴
者恒斑駁以徵奇業之耑者須鞭草以灼膜
摻一技工一術必期扁之斲輪庖之批竅致
精造極而稱絕藝謂必求之桐君秦越之壇
庶幾幸遇其人而不意仁宇傳君一快觀之

君舌則蓮品則仙道濟博施則眉山予瞻不
佞承乏院署初物色於鳳臺鷺渚把臂警譚
而使我喜不能寐也喟然歎曰世有碩德長
者傳君若而人與之聯駟承明出其補天鴻
勳浴日月而蕩乾坤復何事之難濟爲君槃
阿樂泌一袖一瓢修然自足將營菟裘而壺
隱焉餌施昏瞶而不施功澤漉閭黨而不任
德心齋被庭幃而守之若維摩檀施浹耆闍

而奉之若鳩摩藹藹乎與物同春利之而不
庸脊脊乎與時分憂習勤而勿榮且燕貽承
芳道光繼志上自克家次迨義方箕裘式穀
聿啟象賢若萬石君家不言而躬行君備有
焉語云不知其系視其教長公維藩同事僚
契坦錫文凱美秀而文矧淑慎爾止接踵聯
璧若鸞鷟之軼雞羣行將展六翮而搏南溟
天祚明德有開必先其佑積慶而錫之令終

者詎鮮秀哉歲甲申君家枕中之秘審視瑤
函就帙而丐正不佞余矢隻語以勸之曰珍
之獨曷若寶之眾私而家曷若公而國君請
梓諸仁宇遂踴躍摩頂拈花褻香向大士如
來壇前一發弘誓出審視瑤函廣鋟薛濤牋
端永爲三千大千琉璃震且普渡一切千手
千眼不住聲色香味觸法施之是舉也不佞
何敢夷瑤函爲一門筏渡直尊爲海岸慈航

可以是爲序

肯

崇禎甲申菊月穀旦

中議大夫資治尹加光祿寺少卿仍掌太醫院
院使事通家友弟陸彬頓首拜撰



前賢醫案

雲麓漫抄云淮南陳吉老儒醫也有富翁子忽病目視正物皆以爲斜凡案書席之類排設整齊必更移令斜自以爲正以至書寫尺牘莫不皆然父母甚愛之更歷數醫皆不諧其疾或以吉老告遂以予往求治旣診脈後令其父先歸留其子設樂開宴酬勸無算至醉乃罷扶病者坐轎中使人舁之高下其手常令傾倒展轉久之方令登榻而臥達旦酒醒遣之歸家前日斜視之物皆理正之父母躍然而喜且詢治之方吉老云令嗣無他疾醉中嘗臥閃倒肝之一葉搭於肺上不能下故視正物爲斜今復飲之醉則肺脹展轉之間肝亦垂下矣藥安能治之哉富翁厚爲之酬

九靈山房集云元末四明有呂復別號滄洲翁深於醫道臨川

道士蕭雲泉眼中視物皆倒植請治於復問其因蕭曰某嘗大醉盡吐所飲酒熟睡至天明遂得此病復切其脈左關浮促卽告之曰嘗傷酒大吐時上焦反覆致倒其膽腑故視物皆倒植此不內外因而致內傷者也法當復吐以正其膽遂以藜蘆瓜蒂爲麤末用水煎之使平旦頓服以吐爲度吐畢視物如常

張子和治一幼年子十餘歲目亦多淚眾醫無効子和見之曰此子目病原爲母腹中被驚得之其父曰孕時在臨清被兵恐令服瓜蒂散加鬱金上湧下瀉各去涎末數升人皆歎之兒腹中無病何以吐瀉如此至明日瞭然爽明

道山清話云張子顏少卿晚年常目光閃閃然中有白衣人如佛相者子顏信之彌謹乃不食肉不飲酒然體瘠而多病矣

一日從汪壽卿求脈壽卿一見大驚不復言但投以大丸數十小丸千餘粒祝曰十日中服之當盡却以示當既如期視所見白衣人變黃而光無所見矣乃欲得食食又思飲酒又明目黃亦不見覺氣體異他日矣乃請壽卿以告壽卿曰吾固知矣公脾初受病爲肺所乘心脾之母也公旣多疑心氣不固自然有所覩吾以大丸實其脾小丸補其心肺爲脾之子旣不能勝其母其病自愈也

北夢瑣言曰有少年苦眩暈眼花常見一鏡子趙卿診之曰來晨以魚鱸奉候及期延於內從容久饑候客退方得攀接俄而桌上施一甌芥醋更無他味少年饑甚聞芥醋香徑啜之逡巡再啜遂覺胸中豁然鏡影消無卿曰郎君喫眼前魚鱸太多無芥醋不快又魚鱸在胸中所以眼花故權証而愈其

症也

丹谿治一老人病目暴不見物他無所苦起坐飲食如故此大虛證也急煎人參膏二觔或二日目方見一醫與青礞石藥朱曰今夜死矣不悞此病虛之氣大虛不救其虛而反用礞石不出此夜必死果至一死

一少年早起勿視物不見熱以片時畧見而不明食減甚倦脈緩大重則散而無力意其濕所致詢之果臥濕地半月遂用蒼朮茯苓黃耆陳皮少佐附子二十劑而安

汪石山治一婦年愈四十兩目昏昧咳嗽頭疼似鳴若過饑益甚醫治以眼科藥反劇脈皆細弱脾脈尤近平弱曰脾虛也五臟六腑之精皆稟受於脾上貫於目脾虛不能輸運臟腑精微歸明於目故目昏腦鳴頭痛之候出矣脾虛則肺金失

養故咳嗽形焉醫不補脾養血妄以苦寒治眼是謂治標不治本也遂用參耆各錢半麥門冬貝母各一錢歸身八分陳皮川芎各十分升麻柴胡甘草各五分而安

薛立齋治一男子目瞽兩目緊澁服黃蘗知母之類反劇更加便血此脾傷不能統血輪榮於目然也遂用補中益氣湯送下六味丸而安

給事張禹功目赤不明服驅風散熱之劑反畏明重聽脈大而虛此由心勞過度思慮傷脾益心勞則不能生血脾傷則不能運輸精微於目也用補中益氣湯加茯苓酸棗仁山藥山茱萸遼五味而安後自攝不謹復作益甚用十全大補湯加前藥而復愈

王海藏治一女形肥年將笄時患目或一月或兩月一發每發